

陝
縣
志

第 八 冊

詩 徵
掌 故
叢 載
敘 錄

楊
依
洪

洪
依
洪

詩徵

按名流之題咏尤以詩爲多班固謂賦亦古詩之流而舊志概納之藝文稍涉棖雜茲以甘棠詩列首而賦次之其餘不分本籍外籍各種體裁而但以作者之時代爲先後庶便於觀覽焉

蔽芾甘棠勿剪勿伐召伯所茇

蔽芾甘棠勿剪勿敗召伯所憩

蔽芾甘棠勿剪勿拜召伯所說 甘棠三章章三句

三門賦

有序

唐 趙冬曦

砥柱山之六峯者皆生河之中流蓋夏后之所開鑿其最北有兩柱相對距崖而立卽所謂三門也次於其南有孤峯揭起峯頂平闊禹廟在焉西有孤石數丈圓如削成復次其南有三峯東曰金門中曰三堆西曰天柱湍水從黃老祠前東流湍激蹙於蝦石折流而南漱於三門包於廟山乃分爲四流淙於三峯之下觥於曲隈會流東注加以兩崖夾水

陝縣志

卷二十三

一

壁立千仞盤紆激射天下罕比時以內兄牛氏壯而敏焉相顧賦之以紀奇跡

大河彌漫上應天漢濬靈波於積石之西瀑懸流於崑崙之半茫茫禹功茲焉會同鑿連巖淪鴻濶羅崛島以攢空闊兮若橫兩闔於江上岌兮若稜三山於海中崇山欽崆呀水淙射左右飛濤起伏相擊截奔湍兮躋石臺目霍濩兮心徘徊三峯砥其郤立架崇門以洞開連嶂紆河以壁峭疊巘喬空而半頽洪流蹙折以盆涌激湍崆窟而相碓苞巒祕隳砢其鼓作徊舉澎瀑瀉以山摧奔濤復紛其蕩駭蓬渤滑涸霍以雲迴盤渦窅寥以谷施奔石砰磕以成雷枸怒未洩橫流逆折合如地轉散若天裂搖騰碧嶼廐蕩珊穴砗巖腰而沫沸淙隘口而湍咽然後澡雲霽靄收濤卷瀨汨汨云云以無聲漫浩浩以東會總四流而會合注三穴而滂沛泛洪漣於大磧之東薄餘怒於天地之外當其時也山獸驚躍水禽亂飛魚獺沈潭以不動獠獠拱樹以相依鼠鮫人於洞壑帖舟子於漣漪莫不愁白鷺之初下歎黃牛之暝歸若乃降望金門徻徻石觜窮巖萬仞一曲千里松歷歷而生涯草鬢鬢而覆水雲蓬茸兮歷地生風颺颺兮百籟驚猿惜暮以悲叫鳥辭春而不鳴阡嶼岵兮杪崢嶸飛客心兮動客情憐石菌之冬茂賞瑤芝之夜明惟夏君兮永蟄拜靈廟兮何及棖梁古兮山鳥棲階壁蕪兮野語入感微雨之嘆深亢幽歌以佇立歌曰申負石兮空

自奇客乘查兮何遠爲君不見虛舟之泛泛洁乘流而不羈

黃河賦

明薛瑄

吾觀黃河之混混兮乃元氣之萃烝濬洪源於西極兮注天派於滄瀛貫后土之龐博兮
沓玄溝之精明過積石而左轉兮龍門岬而峻傾薄太華而東驚兮撼砥柱之崢嶸入大
陸而北徙兮迷不辨夫九河之故形經兩海而紀衆流兮擅浮沉之濯靈覽頽波而懷明
德兮又何莫非妣氏所經營登崑崙而俯視兮固彷彿其初迹馭高風而騁望兮遂周游
其曲直何末流之混濁兮始清激而湜湜羗澹灑而徐趨兮勢法云而自得觸險石以鬪
暴兮詫雷轟而駁擊天宇擴其沆瀣兮渺上下之玄黃霧雨靈靈而滃集兮混邃古之洪
荒微風蕩拂而渙散兮天機組織其文章頽森浩而洶湧兮百怪垂涎而簸揚腥雲濁浪
以盪汨兮恍惚顛倒夫舟航靈曜升而赫照兮乘正色於中央望舒在御而下臨兮列宿
涵泳其光芒若乃震乘符以行令兮百谷滛滛其凍釋山澤沮洳以上氣兮增滉瀆之洋
溢魚龍乘濤以變化兮杳莫測其所極祝融載節以南屆兮雷雨奮迅以霧霈潢支流而
股合兮百川奔而來會木輪困而漂拔兮蔽雲日而淘汰狂瀾洶而嚙岸兮塊土焉塞夫
衝潰霜戒嚴而木脫兮少昊執矩以司秋洲渚緬邈而石出兮始殺湍而安流霰雪紛其

陝縣志

卷二十三

二

四集兮顛頊乘坎以奮神大塊噫氣而摩軋兮流斯下而龍鱗層冰橫絕而山委兮河伯
驅石以梁津羗險夷而明晦兮變朝暮與四時颺風起而衝木兮漭怪駭其難推覩圓方
之一氣兮恆來往而密移昔尼父之嘆逝兮曠百世而罕知顧川流之有本兮與中古以
爲期啟龍圖而翫六一兮悟主宰之所爲曾余心之未純兮感道妙之如斯聊誦言以自
明兮庶晝夜之靡虧

砥柱賦

有序

唐肅

按砥柱在冀州大河中流禹導河自積石至於龍門南至於華陰又東至於砥柱然後至
孟津適雒河而復北折焉蓋河自龍門旣決以來奔騰迅快勢不可遏至是而齟齬之仍
分爲四流貫於三門之下然後力殺而行緩故酈氏水經謂砥柱與龍門皆禹所疏鑿也
昔蘇子瞻賦灩澦堆以爲蜀江會百水而至於夔流漫漾瀚橫放大野而峽之小大曾不
及什一苟無是堆則瞿唐之險當不啻此予謂砥柱之功亦有類於灩澦者故述而賦之
賦曰

黃河之流西來數千里兮貫長城而南馳激龍門之險阨兮霆奔電馳氣洶湧而莫支歷
華陰而徑趨兮乃折流而東下勢若萬騎銜枚而疾走兮將悉鋒盡銳鏖戰於平野何砥

柱之崔巍率禕兮獨凝立乎中流儼一夫之當關兮強兵悍卒睥睨退縮不敢運其戈矛
惟崇伯子之敷土兮導滄洞而平之鑿茲山以疏洩兮剖三門之嶽巖然後洪波巨浪齟
齬而不騁兮分流析派間度以逶迤指孟津而逾維汭兮遂東極於大邳苟非是以中梗
兮曷以殺天吳水伯之淫威予嘗駕方舟而遠求古蹟兮誓將豁心胸於浩蕩過黃老之
神祠兮遡怪石之決瀆巖連天之修楹兮干雲霄而直上濁波汨汨包其下兮顯神功於
俯仰使昔懷襄之莫救兮匯四海爲一區上巢下穴之赤子兮殆皆戢以爲魚覽斯險而
慨嘆兮雖天造而地設微元聖之大智兮孰能成夫萬世之烈彼蜀江之濫瀕兮羗地勢
之所同誦金聲於儋叟兮信物理安危之所從噫吁嚱世道降兮風移而俗偷頽波汗漫
兮忌剛而茹柔魚蝦鼓舞兮蛟龍鬱愁豈無吾人之砥柱兮障百川之橫流

鐵人賦以門於周召分
陝之郡爲韻

周試元闕鄉人

長年面壁終日司閻其神穆穆其質渾渾斂費人功摹衣冠於太古是真鐵漢看氣象之
獨尊將毋尹喜身閒瞻雲霞於東道豈果萊公望重掌鎖鑰於北門爰稽古籍載訪名墟
宏農誌澗廣濟通渠貴人非遙指點姚崇之里高人伊邇心怡魏野之廬細數羣賢披牘
而風流宛在何來二老負牆而形影依於拍肩雪冷繞指鋼柔屢經陶冶幾度春秋繪宰

陝縣志

卷二十三

三

相之威儀何妨黑面羨將軍之矍鑠未便白頭百鍊依稀記昔日越王鑄范三緘彷彿話
當年尼父適周鐵衣半披鐵笛長嘯鐵箸錫榮鐵冠拜詔乍呈鐵面如欽清獻之容慣賦
鐵心合寫廣平之照踏破鐵鞋幾處願混跡於風塵頒來鐵券誰家慕分封於周召巋然
人表卓爾人羣人烟靄霧人境披雲訪友遍三十六州仙人之棋橘隱買鄰需一十萬貫
善人之室蘭薰邀壁人而締盟玉樹之光風何皎呼銅人而結伴金莖之曉露平分鐵以
人傳人以鐵點傲骨常存精光莫掩自來立脚中流之砥柱堪同倘使折腰大令之風裁
肯貶曾與黃石公約相聚穀城待從赤松子遊暫留河陝雙雙貌古兩兩情怡毫無冰炭
大好鬚眉擬作二難定是石腸之侶添將一個應成鼎足之奇詢此翁爲何姓何名不可
考矣問流寓在某年某月無從知之寶鼎祠新瑞蓮池近白日消閒青天可問虎頭乃封
侯之相披鐵甲以洗兵羊角爲選勝之場傾鐵瓢而酌醞程明道端如泥塑或是前身稽
叔夜睡許沙搏同饒雅韵似秦氏銷鋒而後人移函谷之關自召公勸俗而還人愛甘棠
之郡

渡黃河

范雲

河邊類聚迅且濁湯湯不可陵檣檝難爲榜松舟纔自勝空亭偃舊木荒疇餘故塍不覩

行人迹但見狐兔興寄言河上老此水何當澄

春日登陝州城樓俯眺原野迴丹一作同舟碧綴煙霞密翠斑紅芳菲花柳卽目川岫聊

以命篇

唐太宗

碧原開霧隰綺嶺峻霞城煙峯高下翠日浪淺深明斑紅粧檠樹圓青壓溜荆迹巖勞傳
想窺野訪莘情一作清巨川何以濟舟楫佇時英

賜諸州刺史以題座右

唐元宗

開元十六年帝自擇廷臣爲諸州刺史號州許景先以下凡十一人賜詩令題座右

眷言思共理鑑癘一作古想維良猗歟此推擇聲一作評績著周行賢能旣俟進黎獻實佇康

視人當如子愛人亦如傷講學試誦論阡陌勸耕桑虛譽不可飾清知不可忘求名迹易

見安貞德自彰訟獄必以情教民貴有常恤惇且存老撫弱復綏強勉哉各祇命知予眷

萬方

經河上公廟

唐元宗

昔聞有耆叟河上獨遺榮跡與塵囂隔心將道德并詎以天地累寧爲寵辱驚矯然翔廖
廓如何屈堅貞元元妙門啟肅肅祠宇清冥漠無先後那能紀一作記姓名

陝縣志

卷二十三

四

途次陝州

唐元宗

境出三秦外途分二陝中山川入虞虢風俗限西東樹古棠陰在耕餘讓畔空鳴笳從此
去行見洛陽宮

綵書怨一云綵毫怨

上官昭容名婉兒儀孫

葉下洞庭初思君萬里餘露濃香被冷月落錦屏虛欲奏江南曲貪封薊北書書中無別
意惟悵久離居

駕幸三會寺應制景龍二年十月三日

釋子談經處軒臣刻字留故臺遺老識殘簡聖皇一作君求駐蹕懷千古開襟望九州四山

緣塞合二水夾城流宸翰陪瞻仰天杯接獻酬太平詞藻盛長願紀鴻休

陝中作

蔡希寂

西別秦關近東行陝服長川原餘讓畔歌咏憶遺棠河水流域下山雲起路傍更憐棲泊
處池館繞林篁

奉和登陝州城樓應制

許敬宗

挹河澗綠宇御溝映朱宮辰旂翻麗景星蓋一作畢曳雕虹學嘖齊柳嫩妍笑發春藂錦鱗

文碧浪繡羽絢青空眷念三階靜遙想二南風

奉和聖製途次陝州作

張九齡

馳道當河陝陳詩問國風川原三晉別襟帶兩京同後殿函關盡前旌闕塞通行看洛陽
陌光景麗天中

奉和聖製經河上公廟

張九齡

昔者河邊叟誰知隱與仙姓名終不識章句此空傳跡為坐忘晦言猶強著詮精靈竟何
所祠宇獨依然道在紆宸睠風行動睿篇從茲化天下清淨復何先

奉和聖製經河上公廟應制

蘇頲

河流無日夜河上有神仙輦路曾經此壇場即宛然下疑成洞穴高若在空中煙善物遺方
外和光繞道邊事因周史得言與一作向漢王傳喜屬膺期聖邦家業又元

至分陝

駱寶王

陝西開勝壤召南分沃疇列樹巢維鵲平渚下睢鳩憩棠疑勿剪曳葛似攀繆至今王化
美非獨在隆周

河上公

張說

陝縣志

卷二十三

五

尊師厭塵去精魄知何明形氣不復生一作往弟子空傷情濟北神如在淮南藥未成共期

終莫遂廖落兩無成一作名

奉和聖製途次陝州應制

張說

周召嘗分陝詩書空復傳何如萬乘睠追賞二南篇郡帶洪河側宮臨大道邊洛城將日
近佳氣滿山川

秋日還京陝西十里作陝西謂陝州西

薛稷

驅車一作馬越陝郊北顧臨大河隔河望鄉邑秋風水增波西登咸陽途日暮憂思多傳巖
既紆鬱首山亦嵯峨操築無西老採薇有遺歌客遊節回換人生知一作能幾何

杜甫云少保有古風得之陝郊篇謂此作也

陝府賓堂覽房杜二公仁壽年中題紀手跡

竇鞏

仁壽元和二百年濛籠水墨淡如煙當時憔悴題名曰漢祖龍潛未上天

硤石遇雨宴前主簿從兄子英宅

劉長卿

縣城蒼翠裏客路兩岸開硤石雲漠漠東風吹雨來吾兄此為吏薄宦知無媒方寸抱秦
鏡聲名傳楚材折腰五斗間僂俛隨塵埃秩滿少餘俸家貧仍散財誰言此東道暫預傾

金疊雖欲少留此其如歸限催

早春過七嶺寄題硤石裴丞廳壁

蕭穎士

出硤寄趣少晚行偏憶君依然向來處官路谿邊雲茲路豈不劇能無俗累紛槐陰永未
合泉聲細猶聞彌歎春罷酒牽卑一本二字缺從此分登高望城入斜影半風薰

送張卿郎君赴硤石尉

岑參

卿家送愛子愁見灞頭春草羨青袍色花隨黃綬新縣西函谷路城北太陽津日暮征鞍
去東郊一片塵

石壕吏陝縣硤石山東有石壕鎮

杜甫

暮投石壕邨有吏夜捉人如延切見老翁踰牆走老婦出門看一作吏呼一何怒婦啼一

何苦聽婦前致詞三男鄴城戍一男附書至一作二男新戰死一作者且一作偷生死

者長已矣室中更無人惟一作有乳下孫有孫一作母未去出入一作無完羈一作孫母

史無完羈老嫗力雖衰請從吏夜歸急應河陽役李光弼與郭子儀相繼守河陽城猶得脩晨炊夜久語聲絕

如聞泣幽咽天明登前途獨與老翁別

黃河二首

杜甫

陝縣志

卷二十三

六

黃河北岸海西軍椎鼓鳴鐘天下聞鐵馬長鳴不知一作數胡人高鼻動成羣

雍王适至陝州回紇屯於河北僕固懷恩與回紇左殺為前鋒所謂河北海西軍也

黃河西岸是吾一作蜀欲須供給家無粟願驅衆庶戴君王混一車書棄金玉

巴山在閬州作閬居巴子之國廣德元年十一月

巴山遇中使云自陝城來盜賊還奔突乘輿恐未回天寒召伯樹地闊望仙臺狼狽風塵
裏羣臣安在哉

顧注甘棠樹望仙臺俱屬陝州近境時天子在陝故有天寒地闊之感吐蕃入寇徵兵不應官吏奔散曰羣臣安在譏文官不能慮從武臣不能禦敵也

送客水路歸陝

韓翃

相風竿影曉來斜渭水東流去不賒枕上未醒秦地酒舟前已見陝人家春橋楊柳應齊
葉古縣棠梨也作花好是吾賢佳賞地行逢三月會連沙

送劉侍御赴陝州

金羈映驪驪後騎佩干將把酒春城晚鳴鞭晚路長帶水新溜澀間雪早梅香明日懷賢
處依依御史牀

送陝府王司法

東門雪覆塵出送陝城人粉郭朝喧市朱橋夜掩津上寮應重學小吏已甘貧謝朓曾爲
掾希君一比鄰

次硤石諸本硤作峽

韓愈

數日方離雪今朝又出山試憑高處望隱約見潼關

蝦蟆泉

居然鱗介不能容石眼環環水一鍾聞說旱天祈得雨只疑蝌蚪是蛟龍

寄陝州姚中丞時分司東都

劉禹錫

八月天氣肅二陵風雨收旌旗闕下來雲日關東秋禹跡想前事漢臺餘故邱徘徊襟帶
地左右帝王州留滯悲昔老恩光榮徹侯相思望棠樹一寄商聲謳

甘棠館二絕

門前洛陽道門裏桃源路塵土與烟霞相隔十餘步
公館似仙家池清竹徑斜山禽忽驚起衝落半岳花

登陝州北樓卻憶京師親友

獨上百尺樓目窮思亦一作自愁初日徧露草野田荒悠悠塵息長道白林清宿煙收回首

陝縣志

卷二十三

七

雲深處永懷鄉舊遊一作帝鄉遊

送王司馬之陝州自太常丞授工爲詩

智輟清齋出太常空攜詩卷赴一作過甘棠府公既有朝中舊一作畫司馬應容酒後狂案牘
來時惟署字風煙入興便成章兩京大道多遊客每遇詞人戰一場

述舊賀遷寄陝虢孫常侍南宮左輔兩處交代

南宮幸襲芝蘭後左輔曾交印綬來多病未離清洛苑新思已歷望仙臺關頭古塞桃林
靜城下長河竹箭回聞說隨車有零雨此時偏動子荆才

陝州河亭陪韋五大夫雪後眺望因以留別與韋有布衣之舊一別二紀經遷貶而歸

雪霽太陽津城池表裏春河流添馬頰原色動龍鱗萬里獨歸客一杯逢故人登一作因高
向西望關路正飛塵

奉和陝州十四翁中丞寄雷州二十二翁司戶之作

張謂

聯飛獨不前迴落海南天賈傅竟行矣邵公惟泫然瘴開山更遠路極水無邊沈劣本多
感况聞原上篇

贈別王侍御赴任陝州司馬一作贈王司馬赴陝州

京城在處閒人少惟共君行並馬蹄更和詩篇名最出時一作對傾杯酒戶常齊同趨闕下
聽鐘漏獨向軍前聞鼓鼙今日春明門外別更無因得到街西

送陝府王大夫

白居易

金馬門前回劍佩鐵牛城下擁旌旗他時萬一爲交代留取甘棠三兩枝

送陝州王司馬建赴任建善詩者

陝州司馬去何如養靜一作病資貧兩有餘公事閒忙同少尹料錢多少敵尙書祇攜美酒
爲行伴唯一作獨作新詩趁下車自有一一作得鐵牛無詠者料君投刃必應虛

宿陝府北樓奉酬崔大夫二首

陸暢

樓壓黃河山滿坐風清水涼誰忍臥人定軍州禁漏傳不妨秋月城頭過
一別朱門三四春再來應笑尙風塵昨宵唯有樓前月識是謝公詩酒人

砥柱

柳公權

禹鑿鋒鋌後巍峨直至今孤峯浮水面一柱釘波心頂壓三門險根隨九曲深柱天形突
兀逐浪素浮沉岸嚮秋濤射祠班夜漲侵噴香龍上下刷羽鳥登臨祇有尖迎日曾無柱
影陰舊碑文字在遺事可追尋

陝縣志

卷二十三

八

寄陝州王司馬

姚合本縣人

家寄秦城非本心偶然頭上有朝簪自當臺直無因醉一別詩宗更懶吟世事每將愁見
擾年光惟與老相侵欲知居處堪長久須向山中學賁金

陝下厲元侍御宅五題

濯纓溪

舊山寧要去此有濯纓泉曉景松枝覆秋光月色連行尋屐齒盡坐對角巾偏寂寂幽棲
處無妨請俸錢

垂釣亭

由釣起茅亭柴扉復竹楹波清見絲影坐久識魚情白鳥依窗宿青蒲傍砌生欲同漁父
舍須自減逢迎

吟詩島一作臺

幽島蘚層層詩人日日登坐危石是榻吟冷唾成冰靜對唯秋水同來但老僧竹枝題字

一作寄處小篆復誰能

竹裏徑

微精蟬娟裏唯聞靜者知跡深苔長處步狹筍生時高是連幽樹窮應到曲池沙巾靈壽杖行樂復相宜

流觴泉

不上酒家樓池邊日獻酬杯來轉巴字客坐遠方流酌滴苔紋斷泉連石岸秋若能山下置歲晚願同遊

題河上亭

亭亭河上亭魚躑水禽鳴九曲何時盡千峯今日清晨光秋更遠暑氣夏常輕枯裏移牆影琴中有浪聲崇莎連砌靜漁火入窗明來此多沉醉神高無宿醒

陝城卽事

左右分京闕黃河與宅連何功來此地竊位已經年天下才彌小關中鎮最先隴山望可見惆悵是窮邊

秋日陝州道中作

孤客秋風裏驅車入陝西關河午時路村落一聲雞樹勢標秦遠天形到岳低誰知我名姓來往自栖栖一作樓

陝縣志

卷二十三

九

陝州醉贈裴四同年

杜牧

淒風洛下同羈思遲日棠陰得醉歌自笑與君三歲別頭銜依舊鬢絲多

次陝州先寄源從事

李商隱

離思羈愁日欲晡東周西雍此分塗迴鑾佛寺高多少望盡黃河一曲無

過繡嶺宮

崔塗

古殿春殘緣葉陰上皇曾此駐泥金三城帳屬升平夢一曲鈴關悵望心苑路暗迷香輦絕繚垣秋斷草煙深前朝舊物東流在猶爲年年下翠岑

奉和祕監從翁夏日陝州河亭晚望

姚鵠

黃河何處望一境在孤煙極野如藍日長波一作陂似鏡年卷簾花影裏倚檻鶴巢邊霞焰侵旌旆灘聲雜管絃鐘微來壘岫帆遠落遙天過客多一作煩相指一作訪應疑會水仙

送惟一遊清涼寺

賈島

去有巡臺侶荒溪衆樹分瓶殘秦地水錫入晉山雲秋月離喧見寒泉出定聞人間臨欲別旬日雨紛紛

陝下懷歸

李頻

故園何處在零落五湖東日暮無來客天寒有去鴻大河冰徹塞高嶽雪連空獨夜懸歸思迢迢永漏中

陝府上姚中丞

李頻

關東領藩鎮關下授旌旄覓句秋吟苦酬恩夜坐勞天開吹角出木落上樓高閒話錢塘郡半年一作生聽海潮

陝州題河上亭

李頻

岸擁洪流急亭開清興長當軒河草晚入坐水風涼獨鳥驚來客孤雲觸去檣秋聲和遠雨暮色帶微陽浪靜澄牕影沙明發篋光逍遙每盡日誰識愛滄浪

繡嶺宮

陸龜蒙

繡嶺花殘翠倚空碧窗瑤砌舊行宮閒乘小駟濃陰下時舉金鞭半袖風

出官經硤石縣

天復三年二月二十二日

韓偓

謫宦過東畿所抵州名濮是月十一日故里欲清明臨風堪慟哭溪長柳似帷山暖花如醜逆旅訝簪裾南路以久無儒服經過皆相聚悲喜野老悲陵谷暝鳥影連翩驚狐尾一作邀簌一作尚得佐方

州信是皇恩沐

陝縣志

卷二十三

十

贈陝掾梁宏

賈至

梁子工文四十年詩顛名過草書顛白頭仍作功曹掾祿薄難供估酒錢

繡嶺宮詞

李洞

春日遲遲春草綠一作春日淒淒春水綠

野花開盡飄香玉繡嶺宮前鶴髮翁猶唱開元太平曲

送姚中丞赴陝州

僧無可

二陝周分地恩除左掖臣門闌開幕重槍甲下天新夾道行霜騎迎風滿草人河流銀漢水城賽鐵牛神意氣思高謝依違許上陳何妨向紅旆自與白雲親

河上公

吳筠

邈邈河上叟無名契虛冲靈關暢元旨萬乘趨道風寵辱不可累飄然在雲空獨與造化友誰能測無窮

九日登望仙臺呈劉明府

崔曙

漢文皇帝有高臺此日登臨曙色開三晉雲山皆北向二陵風雨自東來關門令尹誰能識河上仙翁去不回且欲近尋彭澤宰陶然共醉菊花杯

過陝和劉僉憲

明宋炎

岡阜環城錦作堆望中山色碧於蒼河流北枕兼天遠函谷西通特地開思召至今遺古廟望仙曾此築高臺堪誇詩禮流風在登用時看顯異才

茅津渡

宋魏野

數點歸鴉啼遠樹人行欲盡夕陽路暮靄還生竹塢村西風乍起茅津渡顛昂三兩待舡人立賽扶筇望水濱忽見爐中煙一縷祇應炊稻烹霜鱗

普濟院

魏野

河上似江邊寺臨河掩關百年人自老一閣意常閒野闊連天碧苔多徧地斑數聲離岸櫓幾點到洲船寒食花藏縣重陽菊滿灣懸崖分鳥道隔水似塵寰雨急和僧語雲高共鶴攀磬聲喧水檻幡影落波瀾雁去歸汾曲槎來犯斗間冷齋如有暇到此屢開顏

秋霽草堂閒望

魏野

草堂高迥勝危樓時節殘陽向晚秋野色青黃禾半熟雲容黑白雨初收依依未巷聞村笛隱隱長河認客舟正是詩家好風景懶隨前輩却悲愁

暮秋閒望

全上

水閣閒登覽郊原欲刈禾壞簷巢燕少積雨病蟬多砧隔雲溪搗鐘隨曉吹過扁舟何日

陝縣志

卷二十三

十一

去江上負煙蓑

早起

全上

夜長久待得晨興耽睡童猶喚不應燒葉爐中無宿火讀書牕下有殘燈臨階短髮梳和月傍岸衰容洗帶冰應被巢禽相怪訝尋常日午起慵能

書友人屋壁

全上

達人輕祿位居處傍林泉洗硯魚吞墨烹茶鶴避煙閒惟歌聖代老不恨流年靜想閒來者還應我最偏

謝寇萊公見訪

全上

晝睡方濃向竹齋柴門日午尙慵開驚回一覺遊仙夢村巷傳呼宰相來

贈清逸處士魏閑

宋景文

奕世依岩石褒恩下帝庭姓名高士傳父子少微星池溜遙通澗家林近帶坳分明詔書意天極賜鴻冥

送祖擇之赴陝州

梅聖俞

古來分陝重猶有召公堂此樹且能久後人宜不忘君從金馬去郡在鐵牛旁山色臨關

險河聲出地長樽無空美酒魚必薦嘉魴天子憂民切何當務勸桑

送王待制知陝州

同上

東周尊夾輔西漢重行春風化本從召河山來自秦選良存舊詔出守必名臣導從馳千騎朱丹照兩輪宴杯深畏卯湖水靜連申重見甘棠詠爭傳樂府新

披雲亭

陳堯叟

秦關百二山河固陝服城闔控此中別構棟梁成爽塏俯觀竹樹立青葱虛簷碩敞迎旭日曲檻縈回帶晚風登眺自欣襟帶地萬方轍迹坦然同

辨熊耳

邵堯夫

昔禹別九州導洛自熊耳熊耳自有兩未知孰爲是東者近成周西者隔丹水書傳稱上洛斯言得之矣

過陝

同上

吾祖道何光一南分一方開周爲太保分陝輔成王歲月裝遼邈山川造渺茫世孫雖不肖猶解憶甘棠

和張仲通追賦陪資政侍郎吳公臨虛亭燕集寄呈陝府祖擇之學士 司馬光

陝縣志

卷二十三

十二

吾家陝之北陝事吾能說孤亭占城隅形勝最殊絕雲消天宇空極目鳥飛滅大河西北來洶湧地脈裂萬里卷流沙長驅走溟碣羣山勢離合披靡隨曲折林薄帶村墟郊原如繡纈祠宮望神禹閒田指虞芮高邱想巫咸空巖懷傳說聖賢迹已遠縹緲見風烈吳公昔爲守治行瑩冰雪君從豐鎬來華館息塵轍主人喜嘉客置酒升巖嶂清歡浩無涯燭至樽未撤誰知捧手辭遽有幽明訣至今猶墮淚遺愛滿耆耄擇之新下車條教悉施設依然典型在先後如符節嗟予仕京邑苟祿自羈紲邱壟翳荒松三年灑掃缺求歸未能得朝暮腸百結得君臨虛詩髣髴見里闕何時往登臨曠若目去曩憂來復長吟益使寸心折

寄清逸魏處士

司馬光

鄉樹三搖落臨風歌式微徒嗟俗緣重端使素心違茅閣杉松冷山園藥草肥不能如海鷺歲歲一西飛

謁三門禹祠 二首

同上

信矣禹功美獨兼人鬼謀長山忽中斷巨浸失橫流迹與天地久民無魚鼈憂誰能報盛德空爾薦醪羞

巖巖青崖裂喧豳白浪豪客舟浮木葉生理脫鴻毛柏映孤峯短水際孤峯甚細而高上幾何年矣而止長尺餘人莫測其理銘書絕壁高唐太宗刻銘砥柱之陰魏鄭公撰字幾盈尺殘缺僅可讀河師不耕織容易戲風濤

遊三門開化寺

同上

山石古來色河流無盡聲行船自往返羣木幾枯榮狂象調難伏空華滅復生我來何所得聊此濯塵纓

三月十五日宿魏雲夫山莊二首

同上

先生嫌俗賓猶與故鄉親不惜煙霞地暫容纏鎖身林廬深有徑雞犬四無鄰
蔌蔌閒花墜蒼蒼古柏春飯炊松粒細盤采蕨芽新靜覺精神健閒知氣味真
谿泉冷毛髮山翠濕衣巾竹色消醒易林聲破夢頻客輪來去轍驛路古今塵
明日空回首白雲應笑人聞道山家門鎖開獨驅瘦馬出塵埃白雲明月先無約何事今宵亦此來

陝城桃李零落已盡破石山中今方盛開馬上口占

同上

西望飛花千樹暗東來芳藥一番新行人不惜泥塗倦喜見年光兩處春

登平陸北山回瞰陝城奉寄李八文學士使君二十二韻

司馬光

漢家二十石體望向來尊况復嚴徐客從前益稷孫公侯貴不絕禮樂器長存符竹臨分

陝縣志

卷二十三

十三

陝聲光應列藩親闡先契重三司僚子舍近交敦滑州同幕柏壘依仁城棠陰接故園懷歸聊露

請予告辱推恩荷役煩疆候停車下郡門帷廡紛大館騶騎屈朱轡不以黎苗待還將臭味論森羅牢禮重滅裂俗儀煩霜霽威嚴息春生笑語溫草微侵碧甃塵不染華軒日影搖雲棟風痕過玉樽落塵歌迴出激楚襲雙翻雅戲象交局珍肴熊薦躡河梁俄首路汾曲訪吹填舉手辭雙戟騰裝改北轅烏飛城樹曉雁泊野蕪暄耿耿清標闊泔泔宿酒昏百蟠縈阪道數里谿川原跋馬風煙外依稀鼓吹喧

送王待制知陝府二首

同上

疇昔誠相契閒關分不渝先君知鳳翔府待制通判府事以道誼相知非直僚友而已絕絃悲宿草撫首念諸孤位略

尊榮間年忘德齒殊清陰容息足重語辱噓枯待制主滑京西光仕武城幕府仍叨獎引

鷗閣騫雲表虹旌拂海隅明光新出綉陝陌重分符豐潤還桑梓謹謳復路衢甯須更條

教耆舊已簞壺待制再為陝牧光實陝人

詩寄雲夫處士老兄兼呈知府待制八丈

司馬光

一鶚曾飛奏中林下鶴書今乘使君馬重到逸人居松竹過從久閭閻惠愛餘只應棠樹影比舊更扶疏

送昭遠兄歸陝

同上

種種親頭白帝城難久留倚門應有望列鼎本無求清夜多歸夢紅塵厭久遊此行殊捧
檄轅下五驂騶

河邊曉望

同上

高浪崩奔捲白沙悠悠極望入天涯誰能脫落塵中意乘興東遊坐石槎

魏處士野故莊

金海陵王正隆二年進士 郝 俟

郊原冷落霜風後桑柘蕭條兵火餘試問當時卿與相幾家猶有舊田廬

砥柱圖

金世宗大定年間進士 周 昂

鬼門幽險深百篙人門逼窄逾兩牢舟人叫渡口流血性命咫尺輕鴻毛開圖頓覺風雷
怒素髮飄蕭激衰腐河來天上石不移安得此心如砥柱

三門津

金宣宗興定二年進士 王 渥
仲澤

層崖摩蒼穹四月號陰風大河三門險神禹萬世功他山亦崔嵬砥柱獨尊雄雷霆日鬪
擊悍怒愁天工劉侯智有餘始令舟楫通仍餘石上穴飛棧曾聯空遙瞻白玉枝挺直丹
竈中仙翁去不返此事真冥蒙夫人與鼓崖怪幻尤難窮獨喜兵火餘巍然出新宮當時

陝縣志

卷二十三

十四

疏鑿意四海要會同誰知千秋後築壘防嘯兇詩成一大笑活活洪波東

陝州送別

唐 李 洞

黃河城下水澄澄送別秋風似洞庭李白形骸雖放浪并州豪傑未凋零十年道路雙蓬
鬢萬里乾坤一草亭八月崑陵霜樹老傷心休折柳條青

硤石留題

明 呂 顯

晨趨日漸轉投暇靜風埃籬落環巖曲澄溪疊澗來千峯聊對酒一劍獨登臺悵望春雲
起翩翩花亂開

硤石留題

楊美益

出郭風煙滿蒼然野色暝塵中飛蓋客日下荷鋤丁販艇衝危浪鹽車歷斷陁爭馳渾不
息身世總勞形

秋日三門

曹 金

碧落流鴻影瀟瀟滿目秋二毛人自老一派水空流形勝分關陝勳名仰召周感君談治
理民瘼重吾憂

懷古

譚 慶
郡人

二公分陝治成周千載流風倍尙悠山色四圍猶帶古河流一派不知秋姚崇相業應難及張彖高風誰與儔信是地靈多俊傑于今接踵有人不

陝州抵沙澗渡

薛瑄

重關高下近宏農北首鄉關喜氣濃三晉雲山秋色裏兩河煙樹夕陽中棄繻誰識當年客操築應無舊日翁遠岸急風吹大舫令人却憶濟川功

黃河阻風遣悶

同上

遠岸沙飛風浪渾流漸不斷下三門蛟龍凍蟄波心水舟楫寒依渡口村破悶自須吟麗句消愁誰與賞清樽臨流若憶殷賢回首傳岩煙霧昏

陝州渡河

同上

飛楫太陽渡回頭召伯祠水平風勢緩山曉日光移九曲來天漢三門湧地維匆匆此按節何以答明時

望仙臺

李夢陽

昔有河上公結廬蓬篙下萬乘時一顧旌旗蔽原野手揮玉如意顏貌何瀟灑曳裙授道經談天妙無窮清光耀白日四海共高風言既忽不見縱身躡星虹鳳凰棲梧桐鸚雀巢

陝縣志

卷二十三

十五

寒蓬飢鳶嚇腐鼠笑殺高飛鴻物固有如此何必較愚蒙

過白石山繇甯家窩至三門

王以悟

幾度層岡迴朝烟午未收豁開驚日近風送覺身浮石阪馬蹄軟霜天鴈唳愁滔滔東去水一柱自千秋

偕吳堅白李養初登雞足山

同上

幾年稱勝處今日喜重過雲氣含峯濕鳥聲傍樹和殘碑留漢跡落日放漁歌軒冕誰非願爭如老布裘

九日同紹簾瓶山玉川登巽山阻雨暫憩郭氏莊

同上

並有登臨興相提度遠岑斷橋帶雨峻古洞埋雲深九日還如舊二毛忽已侵醉來歸日暮山下動寒砧

會集孫少澗山房

同上

何處得星聚今朝大會開烟村歷澗道古洞傍林隈董子下帷憤長沙治世才四方政多事碌碌亦何哉

先賢村散粥

同上

春郊古廟晚生寒扶母提兒歸路難那得太倉如許粟賚來遍與窮民餐

惺惺樓望舊山居

同上

樓成巷僻身初閒午睡榻環雲外山山下故園五十里恍然如在几席間

飲酒

同上

飯飲未四步客來忽遠方問君亦何事母病形張皇感焉情相關方書閱數行嗟無送終
具贈以一端裳日暮別我去胸填意不揚呼童一觴酒陶集在其旁吟咏五七篇法帖展
子昂大書赤壁賦爍爍燦燦燈光賦裏得餘懷三復夜未央百年猶旦暮何復論短長亭亭
天壤間聞道乃所臧俯仰無愧作用舍任行藏堯舜亦浮雲臧谷空亡羊腐鼠奚足嚇鵠
鷄自高翔春風與沂水卓哉誰云狂憑几不成寐身世兩相忘

次韻答王存思侍御

同上

三載重歸鬢已皤百年佳景付空過事從悵後知非晚人到閒中領趣多南圃舊林棲倦
鳥虛亭新月上疎蘿美人夢斷江天遠霜簡飛來起睡魔

陝州

呂履恒

周召流風地登臨一望迷天隨雷首北日落大河西血土銷龍戰清笳憶馬嘶函關形勝

陝縣志

卷二十三

十六

在今古未封泥

廢祐德觀

陝州有宋道士元志道
所立混元圖碑甚古

同上

傾圮沿唐觀荒城揖宋碑前朝尺土盡軼事幾人知歲月松杉古塵沙日夜吹數家春草
外香火總淒其

秋日河上公祠

明諸生

崔連秀

注經人不見遺廟俯河涯階發新秋草鼎封舊日霞青山閒道氣白日落松花返照翻村
樹猶疑駐翠華

登小崖寺

明時學正

張盛治

高座形兼勝小崖景自幽中條盤檻外萬錦簇灘頭道氣函關近狂瀾砥柱收山河分陝
壯吞吐屬吾儔

黃河

盛朝組

極目三門險愁聞瓠子歌洪飈霾日月濁浪鼓鼉鼉浸水青山小凌空白馬多自憐為客
久飄泊任風波

春日萬錦灘

明耆賓

孫陞

麥隴青青小徑斜隈林傍水野人家相逢漫道雒陽好萬錦灘頭自有花

次陝州

王士正

首春發京國秋氣忽蕭蕭路入山川險人歸萬里遙黃河流砥柱白月下中條河上傳經叟仙蹤不可招

丁亥春廣濟渠成引水入郭予偕僚友往觀既喜共膏澤之普又念斯州灌溉飲汲皆賴此渠但依山堙谷而來修葺稍惰將復圯毀漫成題一律以紀之

清 周全功

經始頻攀躋乘時導碧潯飛泉瀦鳥道急雪下雲岑枯槁千滕潤漣漪比戶深風雷晨夕至會看起爲霖

小崖寺

張漢

駐馬雲中寺孤崖自獨尊花光爭萬錦水勢奪三門淪茗新泉穴安爐古樹根一邱如可問卜宅野人村

題魏處士草堂

中丞 鄂容安

華屋辭軒冕空山留姓名素琴託懷抱紗帽想平生舊畫應難補新詩不易成草堂風月

陝縣志

卷二十三

十七

在林壑有餘清

重過魏處士故居

同上

草堂人去冷雲隈去歲登堂客又迴繞洞幽篁穿壁出過門流水上山來追尋林壑空留跡判斷煙霞別有才紗帽白衣風度在至今誰復問蘭臺

風雪寺 并序

同上

去歲冬暮風雪中過曲沃鎮小憩道旁野寺茶香正青松篁深閉殊得塵外趣寺無名因名風雪重過偶題絕句時己巳仲春望日也

奉和中丞題魏處士草堂

觀察 張學林

東閣非忘世西州自署名 處士有西州熟魏三之句 荒原留舊業行道語平生雲壑詩中見茆亭畫後成式閭風末俗曠代與雙清

奉和中丞重過魏處士故居

同上

斷碣橫苔古洞隈百年俗駕却教迴 明季殘幾年始修復 誰於戎馬匆匆會肯枉霓旌得得來汾祀岱封標曠識 上王文正公詩中語 花藏菊繞見清才 亦集 樂賢世德公兼備直擬南山頌有臺

于役浹月始歸上已花猶未放口占一絕

同上

雪後春寒一倍加東皇徧處競穠華殷勤萬錦灘邊樹遲我歸來始着花

陝署冬日閒居二首

同上

檣柁溫生一室饒油簾初旭凍全消甕頭春滿牆東注磬口香含硯北飄四野屢豐安我拙一官冗長任人驕草堂咫尺英靈邈白衛遐蹤未可招

宋處士魏野草堂近在州東新爲葺成

卯飲何辭盡一甌夙興無福戀黃綢放衙乍謝三通鼓墜戶渾乘一葉舟判案丙丁隨署尾編詩甲子又翻頭世間第一閒居樂閒到官居豈易求

重修魏處士草堂落成紀事

龔松林

一邱一壑自天成高隱當年此適情祇取烟霞傳父子却教魚鶴識公卿門前遠岫連雲聳洞口平泉漾月清潛德千秋喜重發幽光長共少微明

重修墨池

同上

書法於今傳草聖伯英千載擅神奇芳型久已知珍重遺蹟何堪任泯夷漫說籊筐埋退筆且營欄檻護殘碑溶溶夜月留清影重見當年古墨池

臨虛亭

同上

陝縣志

卷二十三

十八

披襟獨自對秋風不是超然興亦同好取河山歸片席詎教城郭礙雙瞳天邊雁影徐徐盡樹底泉聲細細通野馬塵埃飛不到官齋應卽是崆峒

郡署海棠數百年物也每當花時黛影參天紅雲撲地徘徊其下每有子美無詩之

嘆因成長句

同上

空谷佳人出世姿何年移植此庭墀曾棲鳳鳥今安在

貞觀初陝州山中海棠有鳳棲止其上見記異錄

欲聘梅

花恨不時一派綠雲撐翠幕半天紅錦爛機絲由來神物堪珍賞疑作甘棠去後思

硤石

明楊思盛

凌晨過硤石土立如深壁昏旦虧陰晴天光窺一隙積雨泥淖滑行人苦逼窄牽扶強登陟僕馬頗極立憑高眼初放萬壑明歷歷合沓遠近青負勢各爭出嶺頂瀉飛泉崩奔若雷激蒙茸草樹豐鳴高聽不一峭絕千仞崖戶牖當壘關嵌空架數椽束縛還相汲稚子類猿獠見人滿巖集當時避寇亂久因託家室吁嗟呼鮮民何年脫險厄近聞多虎患白晝恣吞食天使人獸爭安敢不戰慄跂予望前途只有空愁疾

全張瑞溪渡河遊陝州

瑞溪祖曾守陝有遺愛

清員旭升

恆農太守舊乘黃公子相要渡太陽數問蘭舟吟苦葉遙瞻銀堞想甘棠百年故老今餘

幾一樹濃陰思未忘長駐灘頭愁日暮白雲明月滿千鄉

賀陝州周刺史重修廣濟渠落成

同上

高墉千仞勢崔嵬忽覩清溪繞戶來
召伯祠前花再葺坡公堤上柳初栽
無邊禾黍連雲碧是處園林對水開
一望東郊驚異政西州應有濟川才

廣濟渠成

張鷟

廣濟始何日圮淤幾歷年
千秋逢太守一日看流泉
花樹芳菲發春田雨露偏
政餘饒逸興時向古隄邊

嶠陵道中

同上

京洛嶠函道路長頻年飄泊意
徬徨曼卿惟載愁千斛東野祇餘書
一囊屢履曾教驚石坂敝衣更自耐
寒霜窮途不欲重陽近誰放山花滿
意黃

鷄足山晚眺

張鷟

夕陽欲下暮烟飄徙倚高臺興
復饒過客紛紛歸渡口行雲冉冉過
山腰洪濤掩映光逾媚綠樹蒼茫影
漸遙長嘯晚風心自遠荷竿束擔任
漁樵

秋日登漢文臺

即鷄足山余從家南宮先生讀書於此今幾三十年

同上

陝縣志

卷二十三

十九

浮沉世事走車輪一別高臺三十春
冉冉山童生鶴髮菁菁翠柏長龍鱗
黃河渡浪仍今日白社宗盟是故人

先生已捐館

崔曙題詩饒逸興臨風唵罷獨愴神

草堂懷古

王行言

草堂遺蹟近山城千古猶傳逸士名
竹葉晴分沙外舫花枝紅上檻前楹
雨滋細草青苔厚風入虬松古洞新
寇相昔年成往事只今訪舊復何人

萬錦灘看花

韓性善

洪流一曲繞孤城傍岸春花似錦明
萬紫千紅看不厭天孫幾度織纒成

遊萬錦灘

楊灑

兩岸烟花一水分萬株齊發燦紅雲
遊人何事攜壺榼剛到灘頭意便醺

遊三門

王師旦

截棄二陵左黃河一帶收東南維地
軸西北拱神州浪拍飛濤急瀾洄砥柱
流慨然豪傑想幾欲問蘇由

墨池歌

李源

清澗涵光凝寒碧芳潤幽香照飛白
小鑿方塘數尺寬鬼神呵護舊手澤
漢家章草誰擅

名前有伯度後伯英懷素自矜得三昧何如我公瘦硬通神靈鬱怒勢與雷霆鬪飄瀟陡作烟雲橫倔強萬牛回腕力馳突千騎趨風聲橐山一夜霽雨急橐泉十里驚濤集老魚跳浪瘦蛟蟠元氣淋漓障猶濕渟泓澄徹洗塵昏精氣猶融冷血痕深宵墮影吞月魄薄暮含輝餐日魂臨池長嘆低徊久黑松使者笑拍手笑我鞅掌奉簡書飽飲墨汁凡幾斗驚看華髮逐紅塵慚謝龍筵十二賓名垂後世曷足珍徒伴丹鉛受苦辛寄語當年草聖者非人磨墨磨人嗚呼非人磨墨磨人

尤節婦詩

郡人 孟文峯 優貢

婦姓張氏絳人年十四隨父臣貿陝善陝人尤永年因妻焉家貧嘗操作易食及夫歿一孤在襁婦哀號經營草具以葬或爲議婚其兄勸嫁益切婦不改適爲扃戶以絕志撫孤也逾年孤五歲婦乃絕食隣有進食者謝曰安用生爲當是時風寒冰堅飢腸內煎缶無粟粒竈無炊煙垢衣不完掩面安眠鬼伯速人奄奄而下泉計婦歸十四年而夫歿撫孤二年殉年二十九歲時乾隆三十七年歲次壬辰正月十九日族人具棺葬於城東南大王莊之原里人莫不起敬 峯 懼貞烈之湮沒也爲詩以記其略

青水中蒲靡靡山頭草植根兩不移柔脆在自保婉變龍門婦終歲自綦縞身爲隸人

陝縣志

卷二十三

二十

妻黽勉期偕老嫁雞斯隨雞貧賤安足道

雨落不近雲歡慙戚乃遐一朝失故雄塌翼難周遮坏土一何艱卜築苦紛拏懷抱但索哺號哭且牙牙蕭然徒四壁十指勤生涯

羊妻自夜織敬姜乃晝哭撫孤良獨難曷以給饘粥典賣無釵鈿風雨有破屋一身敢辭瘁半飽賴脫粟安之有義命可飢不可辱

阿兄入門來啾唧復歔歔貞行無姬姜何況貧賤異盛年苦不再及時乃長計我是親骨肉忍視若捐棄載拜連枝親感激盡成涕

握蘭絕鮑臭憔悴空谷中糠粃可宿飽旨蓄思禦冬三尺號寒飢牽袂何依從悲慟呼父母天亦不憫凶飲食自此絕曷以禦固窮

黔婁卻嗟來子卿更嚙雪鄰人夾款關壞扉堅滕鏹攜榼進杯羹無乃心腸鐵潔身猶好脩失志在饜餐強顏謝高誼一死心事畢

鄉約會卽事抒懷兼勉同人

兀煥勳

鄉約會成結好鄰諸君同是個中人本望大家扶道脈敢將老朽惜餘春展卷戒心茅塞草看花覺眼霧迷塵隨波逐浪非儒士自問各居何等身

名利場中枉費神養心養性養天真交朋切戒交流輩會講還須會至人急向聖經求妙道沉迷舉業誤終身欲知洙泗源頭處快到洛閩去問津

欲明春應鄉試吟

窮通富貴任當然烈士心雄遲暮年屢敗殘某重整局幾疲老馬再加鞭歲臻呂望身猶健才盡江淹志尚堅爲惜道脈微一線不甘託坐負堯天

關廟古柏吟

吳師澄

浩然正氣出名山孤直羞爲桃李顏疾雨狂風都不怕要留勁節在人間

咏棉花

同上

百草叢中第一花功成朵朵倍桑麻爲民爲國全天職綠野風霜不自嗟

對菊思客

同上

酒熟花開客到遲當花對酒我吟詩千回百轉難成句入耳時聞車馬馳

咏菊

兀友桂

花草百般笑我頑逢人不慣作奴顏一生知己惟陶令隱逸名傳宇宙間

有客

同上

陝縣志

卷二十三

二十一

竹鑪燠熟菊花酒石鼎烹香露液茶有客不來紅日落閒看暮樹噪寒鴉

中秋夜

郭頤正

尋常一樣天邊月纔到中秋分外明此夕居然銀世界樓台處處管絃聲

簡翹嵐絕句四首

郭維國

渭臨羣盜尙雲屯白晝遊行遠近村東出關門驚定後忡忡應有未招魂

約法三章互結盟回唐從此息兵爭長安近事君知否昨日仇讐今弟兄

陳贊與曹世英議和

到家逆計無多日尙念他鄉客子不一個失羣北來雁分飛只爲稻梁謀

爲問淵明歸去來北窗誰與共徘徊日高睡起無聊奈可把芙蓉手自栽

登黃帝陵

同上

陡絕地千尋高陵天尺五虬龍紛攫擊烟雲相吞吐我來陟其巔羣山如培塿北扼延榆亢長安直背拊在昔唐鄜坊鎖鑰寄忠武悠悠幾何時望望無村隍田里長蒿萊狐兔豺狼府終南草木腥涇渭黃沙舞哀哉好河山破碎無完土欲起地下人重作乾坤主長眠喚不醒詎忍甘終古俯仰長太息祝生方叔虎

中部行

時高維藩變兵自延安來陷城

同上

君不見丁巳之年庚子月越廿一日時當午高家兵馬天上來槍聲如雷彈如雨舉城倉皇思出避父子兄弟相拋棄可憐少婦怯無力蜷伏柴堆匿豚笠公私儲蓄掃地空搗床破灶倒箱籠傷心慘目不忍言淚眼盈盈對含冤我欲問天天無語悄然歸來但坐視時艱如此可奈何安得壯士挽天河

懷曲生子平

二首

同上

一盞青燈一柱香坐拈竹管判丹黃去年今日秦關道愁聽春風似虎狂
曾記城南送別時一泓春水綠漪漪黯然無限銷魂事珍重長途兩字詞

送陝州中學堂諸生赴省留學把酒餞別並以書懷

四首

張坤

劍袋書囊壯此行翩翩連袂快登瀛長途負笈同王奐漢人浩氣題橋擬馬卿報國文章多
義士回天責任在儒生男兒弧矢原如此遑敢臨歧道俗情

巍巍鳳詔九天垂中外競傳立憲時求學首宜完國粹匡時原不賴經師太平官禮周公
旦哲理淵源亞里斯此去如何研究處好將舊事證新知

年來翰墨結因緣潢水弋山光州地名幾往還也有文章傳海外光州學生陸驥遊學澳洲爪哇島爲中文教習兩次來信

討取各種講義漫誇聲望在盧前故鄉忝設扶風帳同學欣看祖逖鞭獨愧蹉跎虛歲月不堪把

陝縣志

卷二十三

二十二

酒對離筵

送君此去路迢遙尙有一言欲久要定遠何嘗無意氣盧梭畢竟太浮囂憂時敢說民權
重愛國休忘予室翹他日學成歸世用論文樽酒記今宵

歸去來行

薛勉

天下洶洶動鼙鼓附鳳攀龍絳灌伍人民十室九室空屋走謁駢路豺虎風急天高昏塵
埃南飛孤雁聲悲哀腐儒無力濟時艱彈鋏高歌歸去來

將軍

薛勉

果然淮上多健兒寶馬雕弓絕地馳關吏欲留留不得將軍軍令運賍私
烽火連天草木驚綠林豪客結同盟馬前擁出總司令原是將軍門下生
鼙鼓軒軒動地來少年公子去不回漫言報國有肝胆兒女情長壯志灰
降旛十丈樹崇墉子弟八千弭首從他日追論成敗事誤人家國阿芙蓉

新琵琶行

薛勉

大風吹血腥鼙戰鼓鳴橫屍輦轂下九廟神靈驚男兒頭顱擲無量上將骨肉俱無恙
英雄無奈是貪生取義成仁非所望暮出延秋門瀟瀟風雨昏風送琵琶語幽咽欲斷魂

少焉徘徊出屋後云是兩河征人婦纔把檀槽便淚多淒淒測測發悲歌勸君且將玉驄住爲君哀哀從頭訴漢興諸將多噲伍等夷君臣相爾汝座位方看殿上爭怨望又作沙中語一朝災異罷三公七國連兵急若風巍巍京闕烽烟逼膻膻周原殺氣冲勸招外兵成禍水臨淮將軍投袂起挾兵入朝行廢立期門羽林任頤指但冀元勳銘丹書焉知大逆汚青史豈有忠貞到舊君苦將鹵莽亂朝市是時解兵周亞夫大義討賊急聲呼三輔健兒磨盾應六郡材官負弩驅棘門灞上軍聲壯細柳整暇善將將螳臂猶自鬥身強憑依城社苦相抗六月出師甲仗紅平明直指曲江東堅城不礙追風足輕騎快彎神臂弓金商門外來酣戰御溝血湧奔如電捷書一夜到甘泉帶礪河山欣再奠迴看積屍血糝糊市肆爲墟田野蕪八千子弟今何在羞見江東北走胡妾夫本出良家子相隨一戰沙場死至今無處與招魂秋雨秋風悲故壘君不聞赦書昨夜下丹墀漢皇寬大天無私獨憐萬鬼墳寂寞青燐白骨少人知歌曲未終鴟絃缺戛然中止如帛裂長安城上杜鵑啼聲聲嗚咽肝腸絕此時月黑天茫茫林間宿鳥驚飛翔飲酒不成醉切肉不成方四顧無人忽大笑第一功臣張子房

醉歌行贈郭丈禮先

薛勉

陝縣志

卷二十三

二十三

君看千尺松托根山之阿未經鸞鳳宿但見螻蟻過世途今嶮巖奈此直幹何孤高多烈風何不隨女蘿

君看黃頭郎託身在權要腦滿腸亦肥翩翩矜年少銅山良足恃此中餘奧妙寧爲饑鬼涎勿爲窮鬼笑

君今胡爲者途窮悲日暮布褐空蒙頭良爲詩書誤梁苑女如花生性偏善妬君骨况崢嶸肝胆向誰吐

君言窮吾分生甘原憲貧丈夫重氣節何必要路津北風正怒吼此語莫重陳不如且飲酒與子共沈淪

題三門廟

癸亥 康有爲 南海人

禹功萬古關龍門頗嘆黃流砥柱尊吾欲鏟平諸巨嶂揚帆碧海達河源
開蘇彝士通歐亞絕巴拿馬溝西東蕞爾三門三里石誓將疏鑿補天工

